



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

12.08.2022

214-um-son

### **2022/2023 o‘quv yili uchun Toshkent davlat yuridik universitetiga talabalar o‘qishini ko‘chirish va qayta tiklash haqidagi arizalarni ko‘rib chiqish bo‘yicha komissiya faoliyatini tashkil etish to‘g‘risida**

O‘zbekiston Respublikasi Prezidentining 2021-yil 24-dekabrdagi “Davlat oliy ta’lim muassasalarining akademik va tashkiliy-boshqaruv mustaqilligini ta’minlash bo‘yicha qo‘shimcha chora-tadbirlar to‘g‘risida”gi PQ–60-son qarori, O‘zbekiston Respublikasi Prezidentining 2022-yil 15-iyundagi “Davlat oliy ta’lim muassasalariga o‘qishga qabul qilish jarayonlarini tashkil etish to‘g‘risida”gi PQ–279-son qarori, O‘zbekiston Respublikasi Vazirlar Mahkamasining 2021-yil 10-iyundagi 359-son qarori bilan tasdiqlangan “Toshkent davlat yuridik universitetida ta’limning kredit-modul tizimida o‘quv jarayonini tashkil etish tartibi to‘g‘risida”gi nizom hamda O‘zbekiston Respublikasi Vazirlar Mahkamasining 2017-yil 20-iyundagi 393-son qarori bilan tasdiqlangan “Oliy ta’lim muassasalari talabalari o‘qishini ko‘chirish, qayta tiklash va o‘qishdan chetlashtirish tartibi to‘g‘risida”gi nizomga asosan, shuningdek o‘qishni ko‘chirish va qayta tiklash bo‘yicha murojaat qilgan fuqarolarning arizalariga muvofiq

### **BUYURAMAN:**

1. 2022/2023 o‘quv yili uchun Toshkent davlat yuridik universitetiga talabalar o‘qishini ko‘chirish va qayta tiklash haqidagi arizalarni ko‘rib chiqish bo‘yicha komissiya (keyingi o‘rinlarda – komissiya) tarkibi ilovaga muvofiq tasdiqlansin.

2. Komissiya o‘z faoliyatini talabalar o‘qishini ko‘chirish va qayta tiklash tartibiga oid normativ-huquqiy hujjatlar talablari asosida tashkil qilsin.

3. Qabul jarayonini tashkil etish bo‘limi (B. Avazov):

komissiya faoliyatini tashkil etish bo‘yicha zaruriy choralarni ko‘rsin;

komissiya yig‘ilishi natijalari bo‘yicha qabul qilingan qarorlarni o‘qishini ko‘chirish va qayta tiklash haqida murojaat qilgan fuqarolarga yetkazilishini ta’minlasin.

4. O'quv-uslubiy boshqarma (Registrator ofisi) (S. Bozarov) Qabul jarayonini tashkil etish bo'limining komissiya yig'ilishlarini tashkil etish bo'yicha faoliyatiga uslubiy jihatdan ko'maklashsin.

5. Devonxona (X. Abdullayev) ushbu buyruqni manfaatdor tarkibiy bo'linmalarga yetkazsin.

6. Mazkur buyruq ijrosini nazorat qilishni o'z zimmamda qoldiraman.

**Rektor**



**A.TASHKULOV**

Toshkent shahar

### **Kiritildi:**

Bo'lim boshlig'i

B.AVAZOV



### **Kelishildi:**

Bo'lim boshlig'i

S.MAMANAZAROV



Xalqaro hamkorlik va uzluksiz ta'lim  
bo'yicha prorektor

D.UMAROV



yuriskonsult

D.ALIBOYEV



### **Buyruq bilan tanishdim**

B.AVAZOV

